



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd omnes episcopi possint, appellare Romanam sedem in
necessitatibus positi. clxxxi.

urn:nbn:de:hbz:466:1-10722

per vicarios suos eius retractari negotium procuret. Et dum iterato iudicio pontifex causam suam agit, nullus alius in eius loco ponatur, aut ordinetur episcopus quoniam quanquam comprouincialibus episcopis accusati causam pontificis scrutari liceat, non tamen definire inconsulto Romano pontifice permissum est, cum beato Petro apostolo non ab alio quam ab ipso dictum sit domino: Quaecumque ligaueris super terram, erunt ligata & in caelis: & quaecumque solueris super terram, erunt soluta & in caelis.

Vt per scripta nullius accusatio suscipiatur, eo absente qui accusatur. Cap. CLXXVII.

*Ex epist.
Steph. a.
papae cū-
ctis episco-
pis missa,
cap. 8.*

Per scripta enim nullius accusatio accusatore, & eo qui accusatur absentibus suscipiatur, sed propria voce, si legitima & condigna accusatoris persona fuerit, praesente videlicet eo quem accusare desiderat: quia nullus absens, aut accusari potest, aut accusare. Nullus tamē praefati ordinis vir accusari potest, aut respondere suis accusatoribus debet, priusquam regulariter à suo primato vocatus sit, locūque defendēdi, aut inquirendi accipiat, ad abluēda crimina.

Vt difficiliore cause ad apicem Romanae sedis referantur, ut apostolico terminentur iudicio, cuius sedis auctoritate omnes Ecclesiae reguntur. Cap. CLXXVIII.

*Ex epist.
Anacle-
ti papae
omnibus
Episcopis
missa, ca.
14.*

Si quae verò causae difficiliore inter vos ortae fuerint, ad huius sanctae sedis apicem eas, quasi ad caput referre, ut apostolico terminentur iudicio: quia sic Deum, velle ab eoque ita constitutum esse, antedictis testimoniis declaratur. Haec verò apostolica sedes, cardo & caput factū est à domino, & non ab alio est constituta. Et sicut cardine ostium regitur, sic huius sanctae sedis auctoritate omnes Ecclesiae domino disponente reguntur.

Quòd omnes Episcopi possint appellare Romanam sedem in necessitatibus positi. Cap. CLXXIX.

*Ex decr.
Damasi
pap. Ste-
pha. epi-
sco. Afri-
cae missis,
cap. 9.*

Quam omnes appellare si necesse fuerit, & eius fulciri auxilio oportet. Nam, ut nostis, synodū sine eius auctoritate fieri non est canonicum: nec episcopus nisi in legitima synodo, & suo tempore apostolica uocatione congregata, definitè damnari potest: neque vlla

vnquam concilia rata leguntur, quæ non sunt fulta apostolica authoritate.

De inducijs criminatorum episcoporum, quales esse debeant. Cap. CLXXX.

DE inducijs verò episcoporum, super quibus cõsuluitis diuersas à patribus regulas inuenimus institutas. Quidam enim ad repellenda imperitorum machinamenta, & suas præparandas responsiones, & testes confirmandos, & concilia episcoporum, atque amicorum quarrenda, annum & sex menses mandauerunt concedi: quidam autè annum, in quo plurimi cõcordant. Minus verò quàm sex menses non reperi: quia & laicis hæc indulta sunt, quanto magis domini sacerdotibus? Nam & à nostris antecessoribus, atque reliquis sanctis patribus multoties inhiberetur est, ne quis domini sacerdotes detractionibus nõ ex radice charitatis prolatis vexet. Quiescite inquit, & nolite persequi eos, qui deo perfectè ministrant, quorù orationibus & terrena bella sedantur, & recedentium angelorum pelluntur incurfus, quique omnes dæmones corruptores precum assiduitate confundunt. Induciæ nanque non sub angusto tempore, sed sub longo spacio concedendæ sunt, vt accusati se præparare, & vniuersos communicatores in prouincijs positos conuenire, & testes præparare, atque contra insidiatores se pleniter armare, valeat. Iudices enim & accusatores tales esse debent, qui omnino careant suspitione, & ex radice charitatis suam desiderant promere sententiam.

De episcopo Centuriensi, qui causam suam in synodo agere rennerat. Cap. CLXXXI.

DE Quoduulteo etiam Centuriensi, quoniam aduersarius ipsius quum se petisset introduci ad concilium nostrum, interrogatus vtrum cum eo veller apud episcopos experiri, primò promiserat, & alia die respondit hoc sibi non placere atque discessit: placuit omnibus episcopis, vt nullus eidem Quoduulteo communicet, donec causa eius qualem potuerit terminum sumat. Nam adimi ei episcopatum antequàm causæ eius exitus appareret, nulli Christiano videri iure potuerit,

Ex epist.

Felici patris

2. fratris

tribus ægyptiorum

missa, ca.

15.

Ex cõcil.

Africa.

no, ca. 54